

ქ. თბილისი

**ხელშეკრულების მხარეები:**

ერთი მხრივ, **სსიპ გარემოსდაცვითი ინფორმაციისა და განათლების ცენტრი**, წარმოდგენილი მისი დირექტორის თამარ ალადაშვილის სახით (შემდგომში „შემსყიდველი“), იურიდიული მისამართი: თბილისი, გელოვანის გამზირი №6, ს/კ: 206351730, სახელმწიფო ხაზინა, კოდი: TRESGE22, ა/ა: 200122900

(ორგანიზაციის დასახელება, იურიდიული მისამართი და საბანკო რეკვიზიტები)

მეორე მხრივ, **შპს ლაბკოლორ.პრინტ** წარმოდგენილი მისი დირექტორის რუბენ არუთუნიანის სახით (შემდგომში „მიწოდებელი“) იურიდიული მისამართი: თბილისი, გლდანის მასივი, IIIა მ/რ, კორპუსი 16, ბ33; ს/კ: 400247238, სს საქართველოს ბანკი, ბანკის კოდი: BAGAGE22, ა/ა: GE80BG000000101509385, ტელ: +995577199250; E-mail: [labcolor\\_print@yahoo.com](mailto:labcolor_print@yahoo.com)

(ორგანიზაციის დასახელება, იურიდიული მისამართი და საბანკო რეკვიზიტები)

**1. ხელშეკრულების ღირებულება**

1.1. შემსყიდველმა გამოაცხადა **საინფორმაციო ბროშურების (CPV22100000 - ნაბეჭდი წიგნები, ბროშურები და საინფორმაციო ფურცლები; CPV22150000 - ბროშურები)** სახელმწიფო შესყიდვაზე ელექტრონული ტენდერი (განცხადების ნომერი: NAT210007123) და ტენდერის შედეგად მიმწოდებელმა აიღო ვალდებულება მიაწოდოს შემსყიდველს ზემოაღნიშნული საქონელი **7'000.00 (შვიდი ათასი ლარი და 00 თეთრი)** ლარად (შემდგომში ხელშეკრულების ღირებულება).

1.2. საქონლის დასახელება, ტექნიკური მახასიათებლები, აგრეთვე რაოდენობა, ერთეულის ღირებულება და საერთო ღირებულება მოყვანილია დანართი №1-ში, რომელიც თან ერთვის აღნიშნულ ხელშეკრულებას და წარმოადგენს მის განუყოფელ ნაწილს.

1.3. ხელშეკრულების საერთო ღირებულება შეადგენს **7'000.00 (შვიდი ათასი ლარი და 00 თეთრი)** ლარს.

1.4. საქონლის ერთეულის ღირებულება და ხელშეკრულების ღირებულება მოიცავს მიმწოდებლის ყველა ხარჯსა და საქართველოს კანონმდებლობით დადგენილ ყველა გადასახადსა და გადასახდელს, დაკავშირებულს საქონლის მიწოდებასთან.

**2. ხელშეკრულების შესრულების კონტროლი**

2.1. მიმწოდებლის მიერ ნაკისრი ვალდებულებების შესრულების მიზნით ხელშეკრულების მიმდინარეობის ნებისმიერ ეტაპზე შემსყიდველი ახორციელებს კონტროლს.

2.2. ხელშეკრულების მიმდინარეობის კონტროლის მიზანს წარმოადგენს:

2.2.1. საქონლის მიწოდების ვადების ხელშეკრულების მოთხოვნებთან შესაბამისობის დადგენა;

2.2.2. შესაბამისი შემოწმების აქტის საფუძველზე მიწოდებული საქონლის ან/და მისი ნაწილის ხარისხის ხელშეკრულების მოთხოვნებთან - ხელშეკრულების დანართი №1-ში მოცემულ მახასიათებლებთან შესაბამისობის დადგენა

2.2.3. სახელმწიფო შესყიდვის შესახებ ხელშეკრულების პირობების შესაბამისად წარმოდგენილი დოკუმენტების საფუძველზე მიმწოდებლის მხრიდან ხელშეკრულებით ნაკისრ ვალდებულებებზე კონტროლის განხორციელება, მიმწოდებელთან მიღება-ჩაბარების აქტის გაფორმება და ანგარიშსწორების პროცესის რეგულირება

2.2.4. საქართველოს მოქმედი კანონმდებლობით გათვალისწინებული სხვა ღონისძიებების განხორციელება.

2.3. ხელშეკრულების შესრულების კონტროლს განახორციელებს სსიპ გარემოსდაცვითი ინფორმაციისა და განათლების ცენტრის გარემოს საინფორმაციო სამსახურის უფროსი/დროებით მოვალეობის შემსრულებელი.

**3. შესყიდვის ობიექტის მახასიათებლები**

შესყიდვის ობიექტის დასახელება, ტექნიკური მახასიათებლები, აგრეთვე რაოდენობა, ერთეულის და საერთო ღირებულება მოყვანილია ხელშეკრულების დანართი №1 - ფასების ცხრილში.

**4. საქონლის მიწოდების ვადები და პირობები**

4.1. საქონლის მიწოდება ყველა ხარჯის გათვალისწინებით მიმწოდებელმა უნდა განახორციელოს ხელშეკრულების გაფორმებიდან ხელშეკრულების დანართი №1-ში მოცემული ვადებისა და პირობების შესაბამისად.

4.2. საქონლის მიწოდების ადგილი: თბილისი, მარშალ გელოვანის გამზირი N6.

**5. შესყიდვის ობიექტის მიღება-ჩაბარების წესი**

5.1. შესყიდვის ობიექტის მიღება-ჩაბარება ხორციელდება მიღება-ჩაბარების აქტის საფუძველზე, მიმწოდებლის მიერ ფაქტიურად მიწოდებული საქონლის შესაბამისად.

5.2. იმ შემთხვევაში, თუ, მიწოდებული საქონელი შეესაბამება ხელშეკრულების დანართი №1-ით გათვალისწინებულ მოთხოვნებს, ხელშეკრულებით განსაზღვრული პირი მიღება-ჩაბარების აქტის საფუძველზე ახორციელებს მიწოდებული საქონლის მიღებას, ხოლო თუ, საქონლის მიწოდების პროცესში გამოვლინდება, რომ საქონელი არ აკმაყოფილებს ხელშეკრულებით გათვალისწინებულ მოთხოვნებს, შემსყიდველს უფლება აქვს არ მიიღოს წუნდებული საქონელი და დაუბრუნოს იგი მიმწოდებელს მიმწოდებლის ხარჯით.

5.3. მიღება-ჩაბარების აქტის გაფორმებასთან ერთად, მიმწოდებელი ვალდებულია შემსყიდველს წარმოუდგინოს საქართველოს კანონმდებლობით გათვალისწინებული შესაბამისი საგადასახადო დოკუმენტაცია - სასაქონლო ზედნადები და საგადასახადო ანგარიშფაქტურა.

5.4 ხელშეკრულების შესრულების კონტროლზე და ხელშეკრულებით გათვალისწინებული მიღება-ჩაბარების აქტის გაფორმებაზე უფლებამოსილ პირს წარმოადგენს სსიპ გარემოსდაცვითი ინფორმაციისა და განათლების ცენტრის გარემოს საინფორმაციო სამსახურის უფროსი/დროებით მოვალეობის შემსრულებელი.

## **6. ანგარიშსწორება**

6.1 ანგარიშსწორება მიმწოდებელთან განხორციელდება უნაღდო ანგარიშსწორების ფორმით ლარში, მიმწოდებლის მიერ ფაქტიურად მიწოდებული საქონლის ღირებულების შესაბამისად.

6.2 ანგარიშსწორება განხორციელდება მიმწოდებლის საბანკო რეკვიზიტებზე.

6.3 ანგარიშსწორება მიმწოდებელთან განხორციელდება ხელშეკრულების 5.3. პუნქტით გათვალისწინებული დოკუმენტაციის საფუძველზე, წარმოდგენიდან არაუგვიანეს 10 (ათი) სამუშაო დღის ვადაში.

## **7. მხარეთა ვალდებულებები**

7.1 მიმწოდებელი ვალდებულია:

7.1.1 მიაწოდოს შემსყიდველს უფლებრივად და ნივთობრივად უნაკლო საქონელი;

7.1.2 შემსყიდველს მიაწოდოს საქონელი ხელშეკრულების პირობების შესაბამისად და უზრუნველყოს თანმხლები დოკუმენტაციის წარდგენა;

7.1.3 უზრუნველყოს ნაკლოვანი საქონლის შეცვლა 5 (ხუთი) კალენდარული დღის ვადაში;

7.1.4 კეთილსინდისიერად და მაღალპროფესიონალურ დონეზე შეასრულოს ნაკისრი ვალდებულება;

7.1.5 დროულად განიხილოს შემსყიდველის მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

7.2 შემსყიდველი ვალდებულია:

7.2.1 ხელშეკრულებით გათვალისწინებული პირობების შესაბამისად აუნაზღაუროს მიმწოდებელს მიწოდებული საქონლის ღირებულება.

7.2.2 დროულად განიხილოს მიმწოდებლის მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

7.2.3 დაიცვას ხელშეკრულებით გათვალისწინებული ყველა პირობა.

## **8. მხარეთა უფლება**

8.1 მიმწოდებელს უფლება აქვს:

8.1.1 ხელშეკრულებით გათვალისწინებული პირობების შესაბამისად მოითხოვოს შემსყიდველისგან მიწოდებული საქონლის ღირებულების ანაზღაურება.

8.2 შემსყიდველს უფლება აქვს:

8.2.1 აწარმოოს მიწოდებული პროდუქციის ხარისხისა და რაოდენობის კონტროლი;

8.2.2 განაცხადოს უარი უხარისხო საქონლის მიღებაზე.

## **9. ფორს-მაჟორი**

9.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას;

9.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნების მკვეთრი შემცირებით და სხვა.

9.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამოწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და

შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოწახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

9.4 ფორს-მაჟორული პირობების გათვალისწინება რეგულირდება მოქმედი კანონმდებლობის შესაბამისად.

## **10. ხელშეკრულების პირობების და ფასების გადასინჯვა**

10.1 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

10.2 წინამდებარე ხელშეკრულების ფასების შეცვლა დასაშვებია საქართველოს სამოქალაქო კოდექსის 398-ე მუხლით გათვალისწინებულ შემთხვევებში.

10.3 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

10.4 ხელშეკრულების პირობების ნებისმიერი ცვლილება უნდა გაფორმდეს წერილობითი ფორმით, რომელიც ჩაითვლება ხელშეკრულების განუყოფელ ნაწილად.

## **11. სადაო საკითხების გადაწყვეტა**

11.1. შემსყიდველმა და მიმწოდებელმა ყველა დონე უნდა იხმარონ, რათა შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

11.2. თუ შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს.

## **12. ხელშეკრულების შესრულების შეფერხება**

თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ ათი დღის ვადაში უნდა აცნობოს მეორე მხარეს თავისი გადაწყვეტილება, აღნიშნულ გარემოებებთან დაკავშირებით. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის (შეთანხმების) გზით.

## **13. ხელშეკრულების პირობების შეუსრულებლობა**

13.1 ფორს-მაჟორული პირობების გარდა, ხელშეკრულების დამდები მხარეების მიერ ხელშეკრულების პირობების შეუსრულებლობისა ან/და დავიანებით შესრულების შემთხვევაში გამოიყენება საჯარიმო სანქციები.

13.2 ხელშეკრულებით ნაკისრი ვალდებულების შესრულების ვადის გადაცილების შემთხვევაში, „მიმწოდებელს“ დაეკისრება პირგასამტეხლო ყოველ ვადაგადაცილებულ დღეზე შეუსრულებელი ვალდებულების ღირებულების 0,02%-ის ოდენობით.

13.3 ხელშეკრულებით ნაკისრი ვალდებულებების შეუსრულებლობის შემთხვევაში, „მიმწოდებელი“ ჯარიმდება ხელშეკრულების ჯამური ღირებულების 5%-ის ოდენობით.

13.4 იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 5%-ს, „შემსყიდველი“ იტოვებს უფლებას შეწყვიტოს ხელშეკრულება და მოსთხოვოს „მიმწოდებელს“ ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.

13.5 პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

13.6 ამ მუხლით გათვალისწინებული საჯარიმო და პირგასამტეხლოს თანხები დაუკავდება მიმწოდებელს მიწოდების ღირებულებიდან, იმ შემთხვევაში თუ შესყიდვის ობიექტის მიწოდება არ არის განხორციელებული მიმწოდებელი ვალდებულია შემსყიდველის მოთხოვნიდან 5 (ხუთი) სამუშაო დღეში გადაიხადოს შესაბამისი თანხა შესმსყიდველის სასარგებლოდ, ხოლო იმ შემთხვევაში თუ მიწოდების ღირებულება ნაკლებია საჯარიმო თანხაზე მიმწოდებელი ვალდებულია შემსყიდველის მოთხოვნიდან 5 (ხუთი) სამუშაო დღეში გადაიხადოს შესმსყიდველის სასარგებლოდ საჯარიმო თანხებსა და მიწოდების ღირებულებას შორის არსებული სხვაობა შესმსყიდველის სასარგებლოდ.

13.7 შემსყიდველი კისრულობს პასუხისმგებლობას წინამდებარე ხელშეკრულების 6.3 პუნქტით გათვალისწინებული ანგარიშსწორების ვადების დარღვევის შემთხვევაში გადაუხადო პირგასამტეხლო მიმწოდებელს მთლიანი სახელშეკრულებო ღირებულების 0.02 %-ის ოდენობით ყოველ ვადაგადაცილებულ დღეზე.

#### 14. ხელშეკრულების შეწყვეტა

14.1 ხელშეკრულება შეიძლება შეწყვეტილ იქნეს:

14.1.1 მხარეთა შეთანხმებით;

14.1.2 ერთი მხარის მიერ 10 (ათი) კალენდარული დღის განმავლობაში ხელშეკრულებით ნაკისრი ვალდებულებების შეუსრულებლობისათვის;

14.1.3 შემსყიდველის ინიციატივით, მეორე მხარის წერილობითი გაფრთხილებიდან 10 (ათი) კალენდარული დღის განმავლობაში;

14.1.4 საქართველოს მოქმედი კანონმდებლობით გათვალისწინებულ სხვა შემთხვევებში.

#### 15. ხელშეკრულების მოქმედების ვადა

ხელშეკრულება ძალაში შედის მხარეთა მიერ მისი ხელმოწერის თარიღიდან და ძალაშია 2021 წლის 30 ივნისის ჩათვლით.

#### 16. განსაკუთრებული პირობები

არცერთ მხარეს არ აქვს უფლება გადასცეს მესამე მხარეს თავისი უფლებები და მოვალეობები, მეორე მხარის წერილობითი თანხმობის გარეშე.

„შემსყიდველი“

სსიპ გარემოსდაცვითი ინფორმაციისა და  
განათლების ცენტრი

---

თამარ ალადაშვილი  
დირექტორი

„მიმწოდებელი“

შპს ლაბკოლორ.პრინტ

---

რუბენ არუთუნიანი  
დირექტორი

დანართი №1 - ფასების ცხრილი

| N    | შესყიდვის ობიექტის დასახელება | შესყიდვის ობიექტის ტექნიკური მახასიათებლები                                                                                                                                                                                                                        | განზომილება | რაოდენობა | ერთეულის ღირებულება დღგ-ს ჩათვლით (ლარი) | ჯამური ღირებულება დღგ-ს ჩათვლით (ლარი) | მიწოდების ვადა და ადგილი                                                                                        |
|------|-------------------------------|--------------------------------------------------------------------------------------------------------------------------------------------------------------------------------------------------------------------------------------------------------------------|-------------|-----------|------------------------------------------|----------------------------------------|-----------------------------------------------------------------------------------------------------------------|
| 1    | საინფორმაციო ბროშურები        | გვერდების რაოდენობა: 8;<br>გადაკეცილი გვერდის ზომა: 23,5*16,5სმ;<br>200 გრამიანი (± 5გრ/კვ.მ.)<br>გლუვ ზედაპირიანი ცარცის ქაღალდი;<br>დისპერსიული ლაქი 1+0;<br>ბეჭდვა: ოფსეტური ბეჭდვა 4X4, შემსყიდველის მიერ მიწოდებული დიზაინის მიხედვით;<br>აკინძვა: სტეპლერით. | ცალი        | 35000     | 0.20                                     | 7'000.00                               | ხელშეკრულების გაფორმების<br>თარიღიდან არაუმეტეს 10 (ათი)<br>სამუშაო დღე;<br>თბილისი, მარშალ გელოვანის გამზ. N6. |
| სულ: |                               |                                                                                                                                                                                                                                                                    |             |           |                                          | 7'000.00                               |                                                                                                                 |

„შემსყიდველი“

სსიპ გარემოსდაცვითი ინფორმაციისა და  
განათლების ცენტრი

თამარ ალადაშვილი  
დირექტორი

„მიმწოდებელი“

შპს ლაბკოლორ.პრინტ

რუბენ არუთუნიაძე  
დირექტორი